

過之丹忱察歸真之素悃移名青簡定字丹  
 臺勅道德官君解厄難於身命勒威權仙吏  
 留應驗於家庭獲期流譽以水清步武高華  
 而玉潔珠星散彩扶老耄於春臺璧月流輝  
 胡亂髮於夏屋宗祖遂超凌之望會玄綿紹  
 績之傳五福川增樂時和而奕奕百齡山固  
 衍家慶以熙熙愛燭愚情允昭聖貺上頌天  
 元澄晏地紀安寧二曜連珠五星合璧時調  
 玉燭四靈開敷澤之祥歲慶金穰百穀耀田  
 疇之瑞草木涵仁於陽地鬼神感德於陰區  
 提極有成皈依無上則上明  
 天尊大慈之化下副臣等皈命之誠謹啓以  
 聞

發願  
 存神燒香

香官使者左右龍虎君侍香諸靈官當令臣  
 建齋行道之所自然生金液丹碧芝英百靈  
 衆真交會在此香火爐前令臣學道得道求  
 仙得仙齋官蒙福幽顯霑恩十方仙童玉女  
 接待蘭煙傳臣向來所啓之誠速達徑御

至真無極大道

中天二大尊帝

九皇玉宸道君祈前

出堂頌

引至幕

謝師

靈寶領教濟度金書卷之二百十四



靈寶領教濟度金書卷之二百十五 章三

阿微高士開光救苦真人壽金真授

靈寶通玄弘教水師先生林靈真編

科儀立成品燒用

開啓變壇儀

靜默堂序立

華夏讚引至壇前

上香

金爐曉靄騰碧霧以芳菲玉鼎玲瓏爇紫煙  
 而上邁丹誠彼達玄造孔昭先伸供養三界  
 符使四直功曹應感靈司傳奏真吏願錫慈  
 觀曲聆真持以今奉為焉為其事其諸委折  
 已錄奏聞今當開啓齋壇關行法事欲望上  
 通斗極普告星官命魔却妖招真攝景即使  
 琳琅振響內外肅清願念感通齋功成就天  
 人均慶遐邇俱歡稽首皈依無極大道  
 金真演教天尊  
 宣降真召靈符  
 具位恭焚真香遙瞻供養  
 道經師三寶天尊中天大聖北斗九晨上道

星皇君玄中大法師三天大法師寶上真人  
 二仙使者斗中千乘萬騎中天黑煞都副統  
 兵大將軍太歲尊神香官使者四靈神君玄  
 壇土地本家司命六神恭望洪慈俯垂省錄  
 臣聞金真演教散三洞之瓊音玉局傳經詣

九清之瑤韻法雨普滋於黃混慈風玉冒於  
 蒼生今古咸遵華夷拱吸真知命宜廣置  
 於壇場隨力建功蓋惠微於駕衛臣等奉為  
 入意冒塵微聽已奏哀忱今當陞設三成壇  
 周四界仰三五瓊瓊之變企九一豁落之常  
 肅環佩以朝元列旗旄而拱極仰惟北斗實  
 幹中樞為三界之都曹乃萬天之會府崇樓  
 絳闕映閭闔以巍峩青炁白雲鏤勾陳而縹  
 繞旂易迎靈脫欲望玄恩曲運洪澤垂憐鼓  
 琴樹之靈風變凡為聖發紅蓮之聖水化妄  
 成真如玄都洞淵之門若碧落靈真之殿至  
 尊端拱列聖旁臨月地雲階舞霓旌而容與  
 星橋霧漢迴羽葆以彌羅諸天之鶴駕徘徊  
 八極之龍興混合同靈光煥絡瑞駕昭騰容臣

會道運元凝真合景依女青而受事純淑天  
 來連大赤以垂科蕃釐帝錫奉孝有禱切切  
 無違遂微臣造請之忱副齋主懇祈之願瞻  
 天望聖激切屏營之至法眾運誠虔行講誦  
 北斗太上宮 青城玉樓中 九百二十里

太尉居其中 五色玉樓中 第二中元宮  
 五百五十里 上宰職攸穹 黃臺玉樓中  
 第三真元宮 七百二十里 主者為司空  
 朱臺玉樓內 第四紐幽宮 星圍八百里  
 真人乘六龍 素臺玉樓中 第五網神宮  
 七百二十里 天禽字子公 玄臺玉樓內  
 第六紀明宮 星圍七百里 太常位尊崇  
 九層玉樓內 第七瑤光宮 星圍九百里  
 聖號乃天衝 紫極玉樓內 第八帝席宮  
 真人九百品 司察過與功 紫館玉樓內  
 第九上尊宮 九百九十品 內弼為天蓬  
 九宮億萬炁 九炁億萬重 上總諸天宿  
 下總北羅鄴 中主萬民命 錄籍定吉凶  
 消災度厄力 回生起死功 性相比根本  
 真聖此祖宗 若有急告者 福祿常增崇

臣今立壇壇 稽首禮玄宮 性命願主持  
 聖智願圓通 災殃願消滅 壽祿願無窮  
 存亡願濟度 水陸願沾功 大聖慶元吉  
 所願無不從 流光九元壇 永與道境同  
 真靈感應天尊

法師三拜起  
 臣今仰仗天恩神化壇壇金花轉燭瓊彩流  
 明隱然碧漢之星垣中有紫微之帝座奇花  
 鬱勃異禽迴旋使者三千人聚精神而擁護  
 仙官億萬眾混靈景以周維如聞鸞鶴之嘯  
 歌似見虬龍之浮戲更析道旨告下有司凡  
 左右會道之真靈與中外承符之官屬揮幢  
 鼓節為翊衛於玄功顯服嚴裝各輔成於釐  
 事恭依典式告召班聯稽首皈依無極大道  
 轉班召將  
 真靈感應天尊  
 玉晨紫庭 天真大神 南陵使者 三千神君  
 出扶經教 掃蕩妖氛 七千神將 侍衛身形  
 金童玉女 龍虎神君 比極四聖 億萬神兵  
 隨心所禱 輔佐相迎 承符速應 時達玄真

臣今懇願為奉帝處速臨壇所胡扶香煙  
上通斗府密運誠皮火速報應違今有愆

宣召萬靈符

龍符飛煥諒一悉之孔昭虎旅駢羅宜萬司  
之蒞止有嚴有翼無傲無譁以今奉為崇崇

建葦齋蓋仗威靈如律修奉伏願隨司駐劄  
當局宣行扈蹕中嚴顏不違於咫尺秉旄外

辨悃克副於再三核診除妖迎祥集福潔躅  
三獻申明一忱

三獻

散花

神威赫奕願翊衛於玄壇帝德昭彰當飛馳  
於朱表真經安奉仙馭遲留為如上緣念十  
方三寶天尊長生保命天尊消災度厄天尊  
和不可思議功德

肅啟儀

法事如常

答堂頌

各禮師存念如法

宣衛靈呪

東方

九炁青天明星大神煥照東鄉洞映九門  
轉燭陽光掃穢除氛開明童子號曰玄卿  
備衛我軒上對帝君收魔束妖討捕光群  
奉承正道赤書玉文九天符命攝龍驛傳  
普天安鎮我得飛仙

南方

三炁丹天煥景浮光熒星轉燭洞照太陽  
上有赤精合契虛皇開明靈童號曰華房  
總統火兵備守玉堂斬邪束妖剪截魔王  
北帝所承風火莫當流鈴交煥翊衛壇場  
正道流行敢有巴狂我奉上功坐運魁罡  
億劫長存保天無疆

西方

七炁素天太白流精光耀金門洞照太冥  
中有素皇號曰帝靈保神安鎮衛我身形  
斷絕邪源王道正明宮殿整肅三景齊并  
道合自然飛昇紫庭靈寶符命普惠萬生  
元皇正炁來合我身功加一切天地咸寧

北方

中央

五炁玄天元始徘徊辰星煥爛光耀太微  
黑靈尊神號曰層威統冠飛天仙裙羽衣  
備衛五門檢精捕非敢有干試豁落斬推  
玉符所告神鎮八威邪門閉塞正道明開  
映照我身三光同輝策空駕浮舉形仙飛

鳴法鼓二十四通

一炁黃天調理乾坤陶鑄陰陽總統玄真  
鎮星吐輝流煥九天開明童子號曰天璘  
元氣陽精焰上朱煙洞照天下及臣等身  
百邪摧落殺鬼萬千中山神呪普天使然  
五靈安鎮身飛上仙  
無上三天九皇玉帝當召九皇靈官飛龍騎  
吏綉衣使者三炁正神急上開啓玄壇土地  
方域神真巨今宿啓陞壇行道謹奉為入意  
其諸丹悃已錄奏聞願得  
元皇正氣來合自身今且所啓速達徑御  
至真無極大道  
中天二大尊帝  
九皇玉宸道君御前

請稱法位

其位奉行玄靈瓊瑤妙齋法事小兆臣某與  
 臨壇官眾等今故燒香願以是功德上為天  
 子王侯土地官長七世父母九族姻親臣等  
 三師四友係代學真天下兆庶以至靈真戒  
 狄鱗甲羽毛一切眾生無邊無量皈身皈神  
 皈命斗中大道九晨上真乞垂原赦積生今  
 世宿罪重過得免罹三災四煞五行六害七  
 傷八難九星天羅地網二十四厄之中智慧  
 性圓道心開發出群迷徑入希夷門永脫輪  
 迴超升成道道遙雲際升入金門與聖合真  
 永不輪轉所啟玄感上御  
 至真無極道前

禮九晨九位同只

至心皈命中天大聖北斗貪狼陽明星君

坐懺

臣法眾等至心皈身皈神皈命斗中大道九  
 晨上真以今宿啓告齋朝真懺悔臣聞帝車  
 窳運羅十極以周回聖瑟參調隆三靈而化  
 育將觀虹梁之天矯宏宣鳳笈之希表恪聲

對揚敢勤懺悔臣等五宮雲擾七府煙迷混

景登真未悟精炁神之變化凝玄會道或飄

身口意以流吹徒宣大赤之科或冒女青之

律蒙回錦覆端藉玉成運金紀於紫垣調理

經緯轉玉杓於黃道統制乾坤臣等志心稽

首禮謝

無上至真三寶

三啓頌

樂法以為妻 愛經如珠玉

念道遺所欲 澹泊正氣停

天魔並敬護 世世受大福

鬱鬱家國威 濟濟經道興

縹緲入大乘 因心立福田

七祖生天堂 我身白日騰

又

大道洞玄虛 有念無不契

遂成金剛體 超度三界難

悉歸太上經 靜念稽首禮

三禮

臣等志心稽首禮

太上無極大道

臣等志心稽首禮

三十六部尊經

臣等志心稽首禮

玄中大法師

玄壇安鎮天尊

玄靈真文請師安鎮師執真文者

臣謹重誠上啓

中天大聖北斗九皇上道君以今奉為齋主

某崇建三五瓊瑤妙齋宿啓告齋明晨行道

謹依科法敷露玄靈消災內音玉字真文安

鎮玄壇伏願中天玄靈童子明承符命告下

十方三界一切真司為弟子拔贖罪愆增延

祿算解除災厄迎迓休祥八卦大神九官官

屬遵依典式火急奉行

焚符

中天玄靈童子明承符命告下八幹四維十

二支辰天上地下無極真司蕩除弟子既往

之愆增紀弟子未來之算消穰厄難保固安



寧一如玄靈舊典律令

中告玉文神仙至真 一三五變消災延生  
上告諸天无極无形 中告瓊瑤日月五星  
飛流慧宇 一切真靈下告山川 嶽瀆丘陵  
小兆弟子 敬奏微誠 今日告齋 行道誦經  
乞削罪錄 丹篇紀名 禍不橫深 災不輕生  
消災解厄 保命延齡 快樂無窮 壽量可稱  
身心康泰 一切尊榮 高上告命 萬神敬聽  
向來宣演玄靈消災內音玉字功德周圓伏  
願道心開發德性昭融八節四時長運門庭  
之喜然九華十極永依閭里之祥光稽首皈  
依無極大道

重稱法位

具位臣某與臨壇官眾等謹重誠上啓  
斗極祖師洞真大道元始天尊斗極宗師洞  
玄大道太上道君斗極真師洞神大道太上  
老君玉皇大天尊玄穹高上帝斗中之尊天  
皇大帝斗中之主紫微大帝北斗高上玉皇  
尊帝君太微玉帝玄卿大帝君北斗太尉陽  
明倉狼玉晨君北斗上宰陰精巨門玉晨君

北斗司空真人祿存玉晨君北斗遊擊玄冥  
文曲玉晨君北斗君丹元廉貞玉晨君北  
斗太常比極武曲玉晨君北斗上帝天關破  
軍玉晨君北斗玉帝洞明外輔玉晨君北斗  
帝真隱光內弼玉晨君斗中天罡萬真節度  
奎光帝君北斗九皇夫人九陰內妃三台華  
蓋星君三官五帝九府四司斗中道德諸君  
无鞅聖眾六十甲子本命星君玄中大法師  
三天大法師寶上真人二仙使者九宮官屬  
一切真靈等福慶宿濟機緣生際三乘演  
妙幸身佩以操持七部流光莫心修而精進  
袞袞陳駒之暗老營管野馬之紛飛雨露無  
私尚熙帝載雷霆有赫曲迨天威荷葑菲之  
不遺聽芻蕘之可採承符寶亮宣德生成凡  
有皈投敢忘關告

宣詞

按如詞言極深激越臣等恪遵玄笈肅集清  
流崇三五豁落之圖按九一飛遁之位鋪張  
壇律舒演齋盟羅羽蓋於八門列竟幢於四  
界鸞葩鳳藻間紅霧以徘徊虬節螭技映碧

霞而煥耀降赤明九苞之御延清微三寶之  
尊虎拜勤渠蟻聚精切自今月某日為始為  
齋主某人崇建其齋轉經行道燒香散花折  
百福之雲增俾千災之電掃命臨福祿身違  
災衰萃喜然於家庭襲勳聲於眷序謹依科  
法宿以啓聞恩惟三寶至尊九晨列御垂慈  
監映省覽所陳初勒道德仙曹玄靈官屬監  
齋侍法護道衛真監察靈司里域主執同誠  
協力遏魔試於九清會道運元契真游於七  
混令等心安志定慮泯神澄存思而玄室  
洞明立期悉應奏對而紫闕御達疾契神交  
為成就於齋功庶羅敷於天賜明晨行道績  
更啓聞

發願

- 一願乾坤明素
- 二願氣象清玄
- 三願聖人萬壽
- 四願化洽八埏
- 五願天垂甘露
- 六願地發祥煙
- 七願四時應候
- 八願萬物生全
- 九願家多孝悌
- 十願國富才賢
- 十一願齋功廣被
- 十二願善瑞日臻

存神燒香

香官使者左右龍虎君侍香諸靈官當令臣宿啓建壇行道之所自然生金液丹碧芝英百靈衆真交會在此香火爐前令臣學道得道求仙得仙齋官蒙福幽顯常思十方仙童玉女接待蘭煙傳臣向來所啓之誠速達徑御

至真无極大道

中天二大尊帝

九皇玉宸道君御前

出堂頌

引至幕

謝師

靈寶領教濟度金書卷之二百十五

靈寶領教濟度金書卷之二百十六 章四

洞微高士問光救苦真人竇金真授

靈寶通玄弘教水南先生林靈真編

科儀立成品從錄齊用

散壇儀

啓堂頌

各禮師存念如法

宣衛靈呪

五星列照 煥明五方 水星却災 木德致昌

榮感消禍 太白辟兵 鎮星四據 家國利亨

名刊玉簡 字錄帝房 乘應扇景 飛騰太空

出入冥元 遊宴十方 五雲浮蓋 招神攝風

役使萬靈 上衛仙翁

鳴法鼓二十四通

無上三天九皇玉帝當召九皇靈官飛龍騎

吏綉衣使者三炁正神急上關啓玄壇土地

方域神真臣今散壇行道謹奉為入意其諸

丹悃已錄奏聞願得

元皇正炁來合臣身令臣所啓速達徑御

至真无極大道

中天二大尊帝

九皇玉宸道君御前

請稱法位

具位奉行玄靈瓊瑤妙齋法事小兆臣與

臨壇官衆等今故燒香願以是功德上為天

子王侯土地官長七世父母九族姻親臣等

三師四友係代學真天下兆庶以至蠻夷戎

狄鱗甲羽毛一切衆生無邊無量皈身皈神

皈命斗中大道九晨上真乞垂原赦積生今

世宿罪重過得免罹三災四煞五行六害七

傷八難九星天羅地網二十四厄之中智慧

性圓道心開發出群迷徑入希夷門永脫輪

迴超升成道逍遙雲際升入金門與聖合真

永不輪轉所啓玄感上御

至真无極道前

禮九晨九位同只

至心皈命中天大聖北斗貪狼陽明星君

坐懺

法衆等志心皈身皈神皈命斗中大道九

晨上真以今行道散壇焚香禮懺臣聞瓊瑤